

六八三・史部・地理類

〔嘉慶〕衛藏通志十六卷首一卷 〔清〕佚 名纂修

〔光緒〕順天府志一百三十卷附錄一卷（卷一至卷二十五） 〔清〕周家楣 沈秉成 薛福辰修

張之洞 繆荃孫纂

26763/03

衛藏通志



光緒丙申
用寫本
漸蜀蠶舍

〔嘉慶〕衛藏通志 目錄

衛藏通志目錄

卷首 新編

御製詩文

卷一 考證 以下悉仍舊編

卷二 疆域

卷三 山川

卷四 程站

卷五 喇嘛

卷六 寺廟

卷七 番目

衛藏通志目錄

漸西村舍

卷八 兵制

卷九 鎮撫

卷十 錢法

卷十一 貿易

卷十二 條例

卷十三 紀略 原一卷今分為上中下三卷

卷十四 撫卹 原未列入門類今新編入分為上下二卷

卷十五 部落

卷十六 經典



衛藏通志方輿門

考證 疆域 山川 程站

衛藏通志僧俗門

喇嘛 寺廟 番族 番官 番兵 戶口

衛藏通志鎮撫門

職掌 錢法 貿易 營伍 章程

衛藏通志紀略門

康熙 雍正 乾隆

衛藏通志外部門

達木蒙古 三十九族 四方外番

衛藏通志

衛藏通志藝文門

御製 碑記 詩文 賦

衛藏通志經典門

經典

衛藏通志提要

一 史鑑類函及雜書所載漢唐以來故事有關於

衛藏浮圖者博採以備參考

一 舊藏志戊申年得自成都鈔本所載程途風土

山川頗詳隨筆採擇另擇分門以紀

一 衛藏圖識所載疆域形勝道里寺院風俗物產

頗詳亦宜採擇登記

一 布達拉札什倫布及各大寺源流俱按番冊譯

出其新建廟宇查明登記

一 達賴喇嘛班禪額爾德尼及各瑚圖克圖呼必

喇嘛

爾罕世紀源流宜作為一門記載

一 自五十三年廓藩起衅舊案

一 自五十六年廓藩不靖軍興源委及投誠檔案

一 自五十六年大將軍福康安 欽差和琳大學

士孫士毅一切奏章及善後事宜

一 自五十六年欽奉

上諭

一 大將軍福康安 欽差和琳勘定邊界設立鄂

博原奏

一 藏中原製公爵台吉等源流

御製十全

一噶布倫以下酌定品級俸級各營官陞調章程
一唐碑康熙年間碑乾隆

功碑後藏碑勸人恤出痘碑禁止天地葬舊習

告示

旌忠祠查明殉於行陣者按名敘入

設立學舍教習廓藩漢文唐古忒滿文

操演番漢各兵章程

廓爾喀王謝 恩表章貢物

達賴喇嘛班禪額爾德尼等謝 恩奏章

衛藏通志

附近邊界各部落沿革

自打箭爐至藏各部落名目

山川地名人名官名詳查番語真切譯出

綠營弁兵分設碉卡地方數目

各塘營汛兵馬數目

各糧臺文員職掌

駐藏司員筆帖式糧員所辦事宜

寶藏局鼓鑄銀錢事宜

各部落交通貿易人等官給路票

各臺番眾應付烏拉章程

旨設立奔巴瓶籤掣呼必爾罕

北路蒙古台吉等許遣人赴藏熬茶

達賴喇嘛班禪額爾德尼歲遣堪布 朝貢

行取川省應辦歲需賞號等物

定例由川省解運餉銀紙劄等物

唐古忒風俗及男女工作農務各部落人流寓

衛藏通志

喇嘛佛事節候儀注 欽差衙門文武衙門

用度章程作為雜綴一門

欽差衙門一切公務分別具奏及應行咨

報理藩院戶部條款

滇省番僧青海蒙古及川省土司等許遣人赴

藏熬茶學經俱給路票

達木蒙古官兵數目

由藏通西北兩路程途設立防卡

衛藏通志校字記

卷首

聖祖御製平定西藏碑文因而允從拉藏苦苦臘兒羣眾
公同之請 謹案苦苦臘兒

聖訓作青海

皇朝通考作庫克渾爾西藏記作庫庫腦兒或繙譯之
文或聲轉之字

賜今呼必爾罕冊印封為第六輩達賴喇嘛安置禪塔
謹依

聖訓諸書改作安置禪榻餘字俱謹遵改不悉錄

衛藏通志校字記

新西村舍

高宗御製十全記以致大掠後藏飽欲而歸 謹案

聖訓此句下有使長此以往彼將占藏地嚇眾番全屬無
遺類矣東華全錄作全蜀無甯歲矣此書伏此數

句

然

天賦愈深予懼益切不敢言威兢兢惶惶以俟

天眷為歸政全人夫復何言 謹案

聖訓不敢言感句下有唯恐難承句

提要

第五條 今案此寫本無此門僅有查達賴喇嘛

班禪幾輩譯文之覆呈原在詩文門今遂入喇
嘛門後

第十一條 今案此亦伏僅有查西藏公爵台吉
各勅之覆呈亦原在詩文門今遂附喇嘛門之

後

第十二條 今案陞調章程略見於番目門內品
級俸祿亦略見無卹折價門內並無準章

第十三條 今案唐碑見寺廟門內乾隆

御製十全記今已敬編卷首 關帝廟碑原載寺廟門大

招紀功碑後藏碑均原載紀略門恤出痘碑等

衛藏通志校字記

新西村舍

今附無卹門後

第十四條 今案寺廟門僅有雙忠祠碑附有同
殉之主事參將各一人並未別見旌忠祠及殉

忠人名

第十五條 今未見

第十八條 今未見

第十九條 今案有部落一門却無沿革

第二十一條 今案此亦伏惜乎令人不審名從

主人之義姚瑩之蕃爾雅亦尙未詳

第二十四條 今案原有職掌一門而於糧臺文

員殊略

第二十五條 今案此亦佚

第二十七至三十條三十三至三十六條三十九

至四十條 今書醫未見

卷一

引通典語悉照改正共二十二處

後漢書張翥但著地多署溼乘家其奉浮圖不殺

法而精文善導達之功靡所傳述 今案此後

漢書西域傳論多脫誤已照改

案語齊集遠近大小喇嘛於大招各經 案各字

衛藏通志校字記

注

蘇西村繪

疑

元以西僧教瓦班為翰林學士承旨 案元史無

學士字

卷二

乾隆五十七年九月和琳成德奏廓爾喀遣哈斯

達爾一摺奉

硃批所辦得理好欽此 謹案

聖訓作所辦得體好

乃仰仗天威平定之後

聖訓作及仰仗天威平定之後

亦必益加感畏實為得當

聖訓作亦必益加感畏辦理實為得當

西界又自定結至薩熱喀山頂 案山川門作杏

撒熱喀山此無杏字與西藏賦注同

南界怒江之水不知其源 案山川門已有考此

四至八到多用西藏賦注故失照

卷三

康熙六十年二月

上諭廣詢方言乃得其真 謹案

聖訓云務得其正

衛藏通志校字記

函

蘇西村繪

今大兵得藏邊外諸番悉歸仁化 謹案末句

聖訓云悉心歸化

其山川名號蕃漢異同當於時考證明核 謹案末句

聖訓云當於此時考證明核

大概中國諸水皆發源於東南內外大幹 謹案

聖訓云中國諸大水皆發源於東南諾莫渾烏巴西大幹

內外 番名岷捏蘇 謹案

聖訓云岷尼雅克撮

金沙江之源自達賴喇嘛東北烏蘇流出 謹案

聖訓云自達賴喇嘛東北烏尼烏蘇流出

此諸水自東南大幹之內故發源於西番流入中國也

謹案

聖訓云此諸水在諾莫渾烏巴西大幹之內故發源於西

番流入中國也

此諸水在東南大幹之外故皆流入南海也 謹案

聖訓云此諸水在東南諾莫渾烏巴西大幹之外故皆流

入南海也

打箭鑪之西南達賴喇嘛所屬拉里城之東南為喀木

地方也 達賴喇嘛為危地 烏斯與危班禪呼圖

克圖為藏地合三地為危地耳 謹案

衛藏通志校字記

五 滿西村捨

聖訓云打箭鑪西南達賴喇嘛所屬為危地拉里城東南

為喀木地班禪額爾德尼所屬為藏地合三地為危地

耳

牛魔山注每歲送老王夾布於其上 案康輶紀

行云即四川通志所謂打牛魔王也

工湯拉別作貢倘拉彭楚河別作蚌楚河普出河

別作普楚河如此之類各仍其舊以博異名

藏布江注有木船度船為渡 案當是有木船皮

船為渡

金沙江注又有威依木查鄂模二池之水 案水

道提綱作又有威依木查鄂模色勒錯鄂模二池之水

青海注其東北有巴顏池周四十餘里有功額池

周五十餘里 今案功額池在青海之南謹據

一統志 一統輿圖水道提綱各書增入南字

岷江注入江之水有黑水河有二源北源出九里

古拉達巴罕嶺在岷江南源之西南東北流折

而東南入四川界 案黑水二源只見北源今

補於此其南源西南自山中東北流來會又東

南流入邊又東南折南復東南流至長甯堡西

衛藏通志校字記

六 滿西村捨

北與大江會

卷四

巴塘至察木多路江卡至黎樹宿注七十里至黎

樹至王卡稱為惡八站 案別本同論文義當

云七十里至黎樹自黎樹至王卡稱為惡八站

洛加宗至俄倫多尖乍了宿注乍了有寺院

即會典圖注之札雅廟也乍了札雅長短言之

分本書乍了多誤了今改正

前藏至後藏白浪至札什倫布注過洋楮橋即雅

蛟藏布大河 案雅蛟藏布河本書未見

松筠巡邊記拉木洛洛協鳴爾 案四川通志此句作拉孜羅羅上工程站拉木即拉子洛洛即羅羅 通志此文無何至加入無人之境以下九句

前藏至生根物角 案即王我師藏鏡總記之松根阿腳本書別亦作生格物角僧根物格皆重辱輕辱之異

前藏至生根物角四百十里至騰格爾諾爾本條未載後有專條

兩河口分路至青海路八百四十里分作十四站

衛藏通志校字記

七 廣西村拾

至巴漢海流圖本條未載見於獨磊出庫至西甯路中

兩河口至河州首九站至熱黨本條亦未載見前

兩河口至舊洮州程中

打箭鑪由霍耳德爾格草地至察木多地名格蔥

案衛藏圖志作林蔥本書部落門亦作林聰

翻譯無正字

打箭鑪由草地進藏路約同定同古 案衛藏圖

志作納定同古

藏程紀略平逆將軍延 案康熙五十九年授都

統宗室延信為平逆將軍 遠近西海青海各國蒙古諸王部落皆以見 案皆以見下應有脫字封然無聞當是封燕然山然字單用少見其兩岸爭妍句疑有脫字

卷五

高宗御製喇嘛說注宗喀巴二大弟子以化身掌黃教一世曰根敦珠巴二世曰根敦嘉木磋三世曰索諾木嘉穆錯五世曰阿旺羅卜藏嘉穆錯 謹案此必寫本漏

書四世一條今以康輅紀行所引經簿敬補於此

第四輩名雲丹嘉木磋生於明萬曆十七年己

衛藏通志校字記

八 廣西村拾

丑生蒙古地方敬格爾家十五歲至藏在噶勒

丹坐台之桑結仁慶處出家班禪羅卜藏曲津

處受大戒萬歷間封為沙達布多爾濟桑結能

驅邪逐祟曾於石上踏留足印

卷六

招拉筆洞寺其南山生下為藏之峯山 案此語

費解必有誤

大招寺唐碑 案此本闕誤與

一統志西藏記所錄互有得失今悉仍其舊而錄

一統志西藏記於此以資考證

一統志唐碑

大唐文武孝德皇帝大蕃聖神贊普舅甥二主商議社稷如一結立大和盟約永無淪替神人俱已證之世世代代使其稱贊是以勒石留傳之於後也文武孝德皇帝與聖神贊普二聖濟哲鴻被曉久永之化垂矜愍之情恩覆並無內外商議協同務令萬姓安泰施恩如一成久遠大治之績茲者同心以申鄰好之義共成厥美今漢蕃二國所守見管封疆洮岷之東屬大唐國界其塞之西盡是大蕃地土彼此不為殺敵不舉兵革不相侵牟封

衛藏道志校字記

九

新西村舍

境或有積阻捉生問事給以衣糧放歸令社稷山川無擾各敬人神然舅甥相好之義苦難每須通傳彼此相倚二國常相往來兩路所遣唐差蕃使並於將軍谷交馬其洮岷之東大唐供應清水縣以西大蕃供應須令舅甥親近之禮使其兩界煙塵不揚同聞頌德之名永無驚恐之慮行人撤備鄉土俱安並無相擾之犯垂恩萬代則稱美之聲徧於日月所照矣蕃於蕃國受安漢亦漢國受樂各依此盟誓永不移易當三寶及諸賢日月星辰之下刑牲設誓如有不依此言背約破盟者受其

殃禍也蕃漢君臣並稽首告立周細為文二君之德萬載稱揚內外蒙庥人民咸頌矣

西藏記唐碑

大唐文武孝德皇帝大蕃聖神贊普舅甥二主商議社稷如一結立大和盟約永無淪替神人俱以證知世世代代使其稱贊是以盟大節留傳知於後也文武孝德皇帝與聖神贊普德之黎贊陛下二聖睿哲鴻被曉之今永化亨矜愍之情恩覆其無內外商議叶同務令萬姓安泰所思如一成久遠大治之績茲觀同心以伸隣好之義共成厥美

衛藏道志校字記

十

新西村舍

今蕃漢二國所守見官封疆洮岷之東大唐國界其塞之西盡是大蕃地土彼此不為殺敵不舉兵革不相侵謀封疆或有積阻捉生問事設給以衣糧放歸令社稷山川無擾各敬人神然舅甥相好之義苦難每須通傳彼此相倚二國常相往來兩路所差唐差蕃使並於將軍谷交馬其洮岷之東大唐供應清水縣之西大蕃供應須令舅甥親近之體使兩界烟塵不聞同揚盛德之名頻無驚恐之慮行人撤備鄉土俱安禮無相擾之犯垂恩萬代則稱羨之聲徧於日月所照矣蕃於蕃國受安

漢亦於漢國受樂茲合其大業耳各依此盟誓永不移易當三寶及諸賢日月星辰之下且陳形俱為盟設此大誓約如有不依此誓蕃漢背約破盟者來其禍殃也倘傾覆以及動陰謀者不在破盟之限蕃漢君臣並稽首告立周細為文二君之德萬載稱揚內外蒙庥人民咸頌矣此碑日久刻蝕字多脫落不存白木薩欲修廟宇案即上文之拜木薩白拜雙聲

小招寺墨珠多爾濟即上文墨居多爾濟別又作珠多吉皆聲轉及長言短言之異今兩存之

衛藏通志校字記

十一

新西村舍

岡堅寺生多寺距札什倫布一站疑與前岡堅喇嘛寺距札什倫布一站相複

福康安

關帝廟碑於惠齡和琳孫士毅皆書號於體未協皆易之後營官寨

關帝廟碑亦同均更正

打箭鑪

聖祖御製惠遠廟碑文今恭迓卷首

乾隆五十七年十二月福康安等奏邊界營官酌

定陞擢疏如此懲勸有方番目皆知奮勉亦永資綏靖矣案別本同永資綏靖上疑有番民或邊民字四川通志載此疏祇作如此秉公甄拔庶幾有所勸懲無末二句

卷八

會奏火藥就本地配造疏所用工料雖校內地昂貴而所用腳價較之內地運來節省至三十餘萬之多案四川通志作節省至十餘萬之多

卷九

乾隆五十七年八月二十七日

衛藏通志校字記

十二

新西村舍

上諭三道謹案

聖訓載在正制度門併作一道語意視此簡

卷十

乾隆五十七年十一月大學士公福康安等會奏所有巴勒布舊錢與商上原鑄錢文每圓總有銅二三分成色較低應將商上原錢及巴勒布舊若概令繳銷勢所不能議令每紋銀一兩易換八圓與嗣後鼓鑄足色銀錢示以區別案應將商上二句跳行在上今改正

卷十一

案條例原目作章程此卷實已分見各門今姑以彙輯可備考察悉仍其舊

卷十二

乾隆五十七年十二月軍機大臣議覆福康安等奏每年巴勒布止准貿易次克什米爾止准貿易一次案四川通志作每年巴勒布止准貿易三次查本書條例門亦作三次今據增入三字

卷十三

噶彌平定西藏奏疏案各處俱作噶爾彌噶爾彌噶爾彌

木丕勒宰桑即東華錄之吹穆貝爾察桑章名爾自榮即東華錄之章米爾榮

一由類烏齊結樹冰噶三達奔卡為正兵案結樹冰噶即程站門之結樹邊卡三達邊卡即三大徧關

閏四月初四日和琳奏恩達至嘉裕橋四站為內烏齊地方案內烏齊即類烏齊類伍齊

卷十四

辦理撫卹款項諭第二款注於嘉慶二年春照依第五條云云此書所載駐藏大臣姓氏至乾隆

五十九年止此處更著嘉慶年事是此書編於嘉慶時第七款阿第素章嘎第十款噶舒克即執照姚瑩之蕃爾雅無之不解何物

松筠責革營官巴素多爾濟片後半葉夾縫有

硃批三處一在隨經千總李臻把總胥耀宗訪出句旁

批此二人可嘉五字一在柳號示懲句旁

批好字一在如始終奮勉遇有該省缺出再行陞補句旁

批是字

札什倫布經費除所管營官並各寺喇嘛口糧日

食糧食八萬七千一百九十克茶二百一十二

飯半散茶二克半案二克半為數少與上下

數目懸殊疑有脫字

松筠奏閱邊撫卹番民摺夾縫有

硃批三處一在尚有沿邊之薩喀呵哩帕克哩定結絨轄

六處句於定結字側

批好字一在其唐古忒各世家及達賴喇嘛親屬人等概

不準私用烏拉句側

批是字一在此項差徭永行禁止並嚴飭噶布倫各營官

句側

批是字

句側

卷十五

達木蒙古乾隆十六年三月奉

上諭兩道 謹案

聖訓併為一道在賞賚門內

四十族住牧地界上隆布族東至受地方蒙古爾

津案藏地多以一字名地者如朗如嶺如色

如降此受及下文上阿克碩族之力皆一字地

名藏衛康即其例也

西南管轄四十族今祇載三十九族 案西藏記

上阿拉克碩族之下尙有下阿拉克碩族此似

衛藏通志卷十五

十五

新西村舍

伏寫 以上四十族之戶口與後三十九族之

戶口皆子目與總數不符

西藏管轄三十九族夥爾札麻蘇他爾 西藏記

連下只多族為一是樸族與上三札族東西

南北四至全同疑樸族西藏記作樸俗此七十九族譯

字往往對音而殊字不備述

布魯克巴注前赴適中之注則城解勸和合 案

下文兩奏書俱云貝勒親至則汪宣諭汪則則

汪不知是一是二西藏記上文亦作汪則城兩

奏書卻作則江疑汪之訛

庫呢注其部長名熱咱烏爾生嘉慶至丙辰遣人

來藏 案生嘉慶上下有脫誤

白木戎注婦女下身亦用布遮穿一中衣 案當

如西藏記作重穿一中衣 大牯牯羊 案西

藏記康輶紀行等書皆作大牯牯羊字書並無

牯牯牯字

乍了注闡教黃教諾們罕之印 案康輶紀行作

講習黃法那門汗之印

察木多注闡教呼圖克圖康熙五十八年始

頒正呼圖克圖印其二呼圖克圖住察木多大寺三呼

衛藏通志卷十五

十五

新西村舍

圖克圖住甲拉克大寺注俱詳喇嘛門今喇嘛

門不見

巴塘安撫司十一巴塘 案通考巴塘係正副宣

撫司通考成於乾隆十二年此當係後改 瓦

述斜科即通考瓦述餘科可證漢褒斜道作褒

余道 德爾格通考作德爾格式宣撫司屬雅

州府 長官司霍耳東科通考作宣撫司

打箭鑪安撫司六拉滾不見於通志

卷十六

第六葉佛說藥王藥上二菩薩經 案龍藏目錄

作觀藥王藥上二菩薩經 佛說法門經案龍

藏目錄作佛語法門經

第二十二葉佛說辟除諸惡陀羅尼經注十二經

同卷 案自佛說俱枳羅陀羅尼經以下實祇

十一經龍藏有佛說旃檀香身陀羅尼經在妙

色陀羅尼經後此佚

第二十三葉佛說八種長養功德經注四經同卷

案以上僅三經龍藏尚有穢迹金剛法禁百

變法門經此佚

第三十二葉佛說大安般守意經下未注卷今依

衛藏通志校字記

十七

衛西村舍

龍藏補入

第三十四葉佛說觀身經 案龍藏作身觀經

第三十六葉佛說額多和多耆經注八經同卷

案此祇七經龍藏佛說耶祇經之下尚有未

羅王經此佚 其餘經同名而但字有增減者

不悉錄

衛藏通志校字記終

衛藏通志卷首

聖祖仁皇帝御製瀘定橋碑記 康熙四十年建

蜀自成都行七百餘里至建昌道屬之化林營化林所

隸曰沈村曰烹壩曰子牛皆瀘河舊渡口而入打箭鑪

所經之道考水經注瀘水源出曲羅而未明指何地按

圖誌大渡河水即瀘水也大渡河水源出吐番匯番境

諸水至魚通河而合流入內地則瀘水所從來遠矣打

箭鑪未詳所始蜀人傳漢諸葛武侯亮鑄軍器於此

故名元設長河西宣慰司明因之凡藏番入貢及市茶

者皆取道焉自明末蜀寇亂番人竊踞西鑪迄本朝猶

衛藏通志卷首

十七

衛西村舍

阻聲教頃者黠番肆虐戕害我明正土官侵偏河東地

罪不容道康熙三十九年各遣發師旅三路徂征四十

年春師入克之土壤千里悉入版圖鍋莊木鴉萬二千

餘戶接踵歸附西鑪之道遂通顧入鑪必經瀘水向無

橋梁巡撫能奏言瀘河三渡口高崖夾峙一水中流

雷奔矢激不可施舟楫行人援索懸渡險莫甚焉茲借

提臣岳昇龍相度形勢距化林營八十餘里山址坦平

地名安樂擬即其處仿鐵鎖橋規制建橋以便行旅朕

嘉其意詔從所請於是鳩工構造橋東西長三十一丈

一尺寬九尺施索九條索之長視橋身餘八丈而嵐覆

板於上又翼以扶欄鎮以梁柱皆鎔鐵以庀事橋成凡命使之往來郵傳之絡繹軍民商賈之車徒負戴咸得安驅疾馳而不致病於跋涉繪圖來上深愜朕懷爰賜橋名曰瀘定任事著勞諸臣并優詔獎敘仍申命設兵戍守夫事無大小期於利民功無難易貴於經久今既肇建茲舉俾去危而就安繼自今歲時繕修協力維護皆官斯土者責也尙承保勿壞以爲斯民貽無窮之利是爲記

衛藏通志卷首

二

海西村舍

聖祖仁皇帝御製平定西藏碑文

昔者

太宗文皇帝之崇德七年班禪額爾德尼達賴喇嘛固始

汗謂東土有

聖人出特遣使自人跡不至之區經營敵之國閱數年始

達盛京至今八十載同行善事俱爲施主頗極安甯後

達賴喇嘛之歿第巴隱匿不奏者十有六年任意妄行

拉藏滅之復興其法因而允從拉藏苦苦腦兒羣眾公

同之請中間策妄阿喇蒲坦妄生事端動準噶爾之眾

肆行奸詐滅壞達賴喇嘛並廢第五輩達賴之塔辱踐

衛藏通志卷首

三

海西村舍

班禪毀壞寺廟殺戮喇嘛名爲興法而實滅之且欲竊據圖伯特國朕以其所爲非法爰命皇子爲大將軍王又遣朕子孫等調發滿洲蒙古綠旗兵各數萬歷煙瘴之地土馬安然而至賊眾三次乘夜盜營我兵奮勇擊殺賊皆喪膽遠遯一矢不發平定西藏振興法教賜今呼必爾罕冊印封爲第六輩達賴喇嘛安置禪榻撫綏圖伯特僧俗人眾各復生業於是文武臣工咸謂王師西討歷瘴癘險遠之區曾未半載輒建殊勳實從古所未有而諸蒙古部落及圖伯特酋長亦合詞奏曰皇帝勇略神武超越往代天兵所臨邪魔掃蕩復興蒙古向

所尊奉法教坎麻藏衛等部人眾咸得拔離湯火樂土安居如此盛德大業非臣下頌揚所能宣罄請賜御製碑文鐫勒招地以垂永久朕以何功焉而羣眾勤請不已爰記斯文立石西藏俾中外知達賴喇嘛等三朝恭順之誠諸部落累世崇奉法教之意朕之此舉所以除逆撫順綏眾興教云爾

本街志卷

四

西藏附錄

世宗憲皇帝御製惠遠廟碑文

我國家受

天眷命撫御寰瀛光被四表莫不尊親

太宗文皇帝崇德七年班禪額爾德尼達賴喇嘛知東土

有聖人造使通款路涉萬里時經數載始建盛京建

世祖章皇帝時遂親至京師朝覲備蒙

恩眷後以策妄阿喇蒲坦肆惡逞奸殘蹂西藏

皇考聖祖仁皇帝特遣大師計日平定撫綏人眾各復生

業賜今呼必爾汗冊印封號安置禪榻重興黃教用以

慰番眾皈依佛法之誠並酬班禪達賴喇嘛累世恭順

本街志卷

四

西藏附錄

之惻也朕御極以來加意護持俾安淨土因思古今之有佛教特以勸善懲惡濟人覺世為本黃教之傳所以推廣佛經之旨也演教之地愈多則佛法之流布愈廣而番夷之嚮善者益眾西藏既有班禪額爾德尼而近邊之番夷離藏遙遠皆有皈依佛法之心因思川省打箭爐之外有地曰噶達昔年達賴喇嘛曾駐錫於此爰相度川原創建廟宇發帑金數十萬兩遣官董司工役倣西方白賴木佛廟之圖式凡為殿堂樓房一千餘間又為平房四百間賜額曰惠遠丹旆輝煌器用充備置兵以衛之達賴喇嘛來登禪榻率諸徒眾咸就新居諸

番者幼踴躍欣喜使臣奏言彼土早寒自造寺以來氣候和暖深秋未凍則知茲寺之建人神胥慶山川著靈朕所以仰體

皇考厚酬達賴喇嘛累世恭順之忱且以廣布黃教宣講經典使番夷僧俗崇法慕義億萬斯年永躋仁壽之域則以佐助王化實有神益是用紀文豐碑以昭永久遠焉

衛藏通志

本

藏西村舍

御選語錄總敘

如來正法眼藏教外別傳實有透三關之理是真語者是實語者不妄語者不誑語者有志於道之人則須勤參力究由一而三步皆有著落非可顛預爾胡自欺欺人朕既深明此事不惜話墮逐一指明夫學人初登解脫之門乍釋業繫之苦覺山河大地十方虛空並皆消殞不為從上古錐舌頭之所瞞識得現在七尺之軀不過地水火風自然徹底清淨不挂一絲是則名為初步破參前後際斷者破本參後乃知山者山河者河大地者大地十方虛空者十方虛空地水火風者地水火

衛藏通志

七

藏西村舍

風乃至無明者無明煩惱者煩惱色聲香味觸法者色聲香味觸法盡是本分皆是菩提無一物非我身無一物是我已境智融通色空無礙獲大自在常住不動是則名為透重關名為大死大活者透重關後家舍即在途中途中不離家舍明頭也合暗頭也合寂即是照照即是寂行斯住斯體斯用斯空斯有斯古斯今斯無生故長生無滅故不滅如斯惺惺行履無明執者自然消落方能踏末後一關雖云透三關而實無透者不過如來如是我亦如是從茲方修無修證無證妙覺普明圓照法界一為無量無量為一大中現小小中現大坐微

塵裏轉大法輪於一毫端現寶王刹救拔眾生利用無盡佛祖皆為此一大事因緣出現於世達摩西來歷代授受古德傳燈無盡光中大圓鏡裏日往月來以至於今雖然廣大法門聖凡並託華嚴香海細鉅同歸得骨得髓者固多如麻如粟者何限去聖遙遠魔外益繁不達佛心妄參祖席金山泥封慧日雲蔽約其訛謬亦有三端其上者纔見根塵互引法界相生意識紛飛無非幻妄頓生歡喜謂是真常住去歇去以空為空不知性海無邊化城無住果能見性當下無心心既見空即未見性於是形同槁木心等死灰萬有到前一空不

術藏通卷第

九

術藏通卷第

敵縱能立已坐脫仍是業識精魂况乃固執斷見必至變作狂華謂因果之旨空恣猖狂而不返豈非一妄在心恆沙生滅能不造生死業斷菩提根又其下者見得個昭昭靈靈便謂是無位真人面門出入揚眉瞬目豎指擎拳作識神之活計張日下之孤燈寶魚目為明珠賁梅檀於糞土噲著鐵丸口稱玉液到得臘盡歲除時方知依舊是個茫茫無據又其下者從經教語錄中挂取葛藤從諸方舉揚處拾人涕唾發狂亂之知見翳於自心立幻化之色聲作為實法向真如境上鼓動心機於無脫法中自生繫縛魔形難揜遁歸圓相之中解路

莫通躲向藤條之下情塵積滯識浪奔催瞞已瞞人欺心欺佛全是為名為利卻來說妙說元盲驢牽盲驢沿磨盤而繞轉癡夢證癡夢拈漆桶為瓣香是則循覺路而撲火輪能不由善因而招惡果如是三者實緣有徒宗旨不明沉淪浩劫矣朕膺元后父母之任並非開堂秉拂之人欲期民物之安惟循周孔之轍所以御極以來十年未談禪宗但念人天慧命佛祖別傳拈雙眉拖地以悟眾生留無上金丹以起枯朽豈得任彼邪魔瞎其正眼鼓諸塗毒滅盡妙心朕實有不得不言不忍不言近於幾暇辨味滷澠隨意所如閱從上古錐語錄中

術藏通卷第

九

術藏通卷第

擇提持向上直指真宗者並擷其至言手為刪輯曰僧肇曰永嘉曰寒山曰拾得曰滄山曰仰山曰趙州曰永明曰雲門曰雪竇曰圓悟曰玉林十二禪師藏外之書曰紫陽真人乃不數月之功編次成集者其他披覽未周即採掇未及非曰此外無可取也是數大善知識實皆窮微洞本究旨通宗深契摩詰不二之門曹溪一味之旨能使未見者得無見之妙見未聞者入不聞之妙聞未知者徹無知之正知未解者成無解之大解此是人天眼目無上宗乘至於淨土法門雖與禪宗似無交涉但念佛何礙參禪果其深達性海之禪人淨業正可